

**JAVNA USTANOVA  
APOTEKA "ZDRAVLJE" ZENICA**

**Broj: 22-20/2-** *2018*

Zenica, 24.04.2018. godine

*Na osnovu člana 32. Statuta Javne ustanove Apoteka "Zdravlje" Zenica, Upravni odbor Javne ustanove Apoteka "Zdravlje" Zenica, na 24. sjednici održanoj 24.04.2018. godine donosi*

**ODLUKU**

**I**

*Zadužuje se stručna služba Ustanove da objavi ponovljeni Konkurs za izbor i imenovanje direktora JU Apoteka »Zdravlje« Zenica.*

**II**

*Pristigle prijave dostaviti Upravnom odboru na daljnje postupanje.*

**III**

*Tekst konkursa glasi:*

*Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj 12/03 i 34/03), člana 30. Statuta JU Apoteka „Zdravlje“ Zenica, Odluke Upravnog odbora br. 22-20/2-2718 od 24.04.2018. godine, te Zaključka o davanju saglasnosti na raspisivanje javnog konkursa od strane Gradonačelnika, Broj: 02-49-9398/18 od 18.04.2018. godine, Upravni odbor JU Apoteka „Zdravlje“ Zenica raspisuje:*

**PONOVLJENI JAVNI KONKURS  
ZA IZBOR I IMENOVANJE DIREKTORA JAVNE USTANOVE APOTEKA  
„ZDRAVLJE“ ZENICA**

**I**

*Objavljuje se Javni konkurs za izbor i imenovanje direktora JU Apoteka „Zdravlje“ Zenica, na period od 4 (četiri) godine.*

**I - Opis pozicije direktora Javne ustanove**

*- organizuje i vodi poslovanje Apoteke,*

- zastupa i predstavlja Apoteku prema trećim licima,
- predlaže Upravnom odboru mjere za efikasno i zakonito obavljanje djelatnosti za koje je Apoteka osnovana,
- predlaže Upravnom odboru Pravilnik o organizaciji i sistematizaciji radnih mjesta,
- predlaže Upravnom odboru opće akte koje donosi Upravni odbor,
- predlaže osnove plana rada i razvoja,
- izvršava plan raspodjele finansijskih sredstava,
- izvršava odluke Upravnog odbora,
- odgovara Upravnom odboru za rezultate rada i finansijsko poslovanje Apoteke,
- naredbodavac je za izvršenje finansijskog plana,
- određuje lica ovlaštena za potpisivanje finansijske dokumentacije,
- daje punomoć za zastupanje Apoteke,
- odlučuje o raspolaganju novčanih sredstava u skladu sa Statutom,
- odlučuje o potrebi zaključivanja ugovora o radu i prestanku odnosno otkazu ugovora o radu kao i o drugim pravima iz radnog odnosa u skladu sa zakonom i Pravilnikom o radu,
- odlučuje o upućivanju zaposlenika na službeni put, specijalizaciju ili druge oblike stručnog usavršavanja,
- imenuje članove Stručnog savjeta Apoteke,
- obrazuje komisije, radne grupe i druga radna tijela za razradu određenih pitanja ili pripremu stručnih materijala, elaborata i slično,
- jednom u šest mjeseci dostavlja Općinskom i Kantonalnom zdravstvenom savjetu izvještaj o zaprimljenim i riješenim prigovorima pacijenata, uključujući i uvezivanje podataka o prigovorima sa podacima o nepovoljnim događajima i sudskim postupcima,
- obavlja i druge poslove u skladu sa zakonom, Statutom i drugim općim aktima Apoteke.

## **II - Opći uslovi za izbor i imenovanje direktora**

- da je državljanin BiH
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (čl. IX.1. Ustava Bosne i Hercegovine)
- da nije na funkciji u političkoj stranci u smislu čl.5. Zakona o ministarskim, vladinim i drugim imenovanjima FBiH ( „Službene novine Federacije BiH“, broj 12/03 i 34/03)
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH ( „Službene novine Federacije BiH“, broj 70/08)
- da nema privatni/finansijski interes u instituciji u kojoj se kandiduje

- da nije osuđivan za krivično djelo i za privredni prijestup nespojiv sa dužnošću u instituciji u koju se kandiduje pet godina od dana pravosnažnosti presude, isključujući vrijeme zatvorske kazne
- da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje

### **III - Posebni uslovi za imenovanje prema članu 29. Statuta Ustanove:**

- da ima završen farmaceutski fakultet
- da ima najmanje pet godina radnog iskustva u struci i spremi
- da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta

### **IV – Potrebni dokumenti**

Dokumenti koji se prilažu uz prijavu moraju biti originali ili ovjerene kopije.

Uz prijavu na konkurs sa kraćom biografijom, kandidat je dužan dostaviti slijedeću dokumentaciju:

- Izvod iz matične knjige rođenih,
- Uvjerenje o državljanstvu, (ne starije od 6 mjeseci) ili kopiju CIPS-ove lične karte,
- Dokaz o završenom farmaceutskom fakultetu,
- Certifikat o završenoj profesionalnoj edukaciji iz oblasti zdravstvenog menadžmenta u skladu sa članom 27. stav (2) i (3) Pravilnika o kontinuiranoj profesionalnoj edukaciji iz zdravstvenog menadžmenta („Službene novine FBiH“, broj: 88/11, 82/13, 75/15, 77/14) ili potvrda o završenom postdiplomskom studiju iz zdravstvenog menadžmenta.
- Uvjerenje o radnom iskustvu,
- izjava o činjenicama nabrojanim u alinejama 2. do 8. općih uslova iz ovog konkursa,
- Preporuka ranijeg neposrednog rukovodioca.

## **II**

Upravni odbor Ustanove imenovat će direktora uz saglasnost Gradonačelnika Zenice, a nakon odabira kandidata po okončanju Javnog konkursa.

## **III**

Mandat direktora traje četiri (4) godine, uz mogućnost ponovnog imenovanja u skladu sa Zakonom.

#### IV

Konkurs će biti objavljen u Službenim novinama FBiH, listu „Naša riječ“ i na web stranici Grada Zenice, a ostaje otvoren petnaest (15) dana od dana posljednjeg objavljivanja.

Prijave sa potrebnom dokumentacijom dostaviti najkasnije 15 dana od dana objavljivanja konkursa putem pošte preporučeno na adresu:

Javna Ustanova Apoteka „Zdravlje“ Zenica,  
Sarajevska br. 35, Zenica.

Sa naznakom

“Prijava na konkurs za izbor i imenovanje direktora Javne Ustanove Apoteka „Zdravlje“ Zenica - ne otvarati“

Nepotpune i neblagovremene prijave neće se uzimati u razmatranje.

#### V

Odluka stupa na snagu danom donošenja.

Dostavljeno:

- članovima UO
- direktoru
- uz zapisnik
- a/a
- Grad Zenica



Predsjednik  
Upravnog odbora  
mr. Safet Kubat

A handwritten signature in black ink, appearing to be "Safet Kubat", written over the typed name.